

ses immediate sequentes esse teneamini, & sitis in Terris contiguis Regno Sicilia, nisi forsitan in Italia hostium obstaculo impediimini, vel occur-
su, quorum impugnationem, & debellationem quamdiu taliter muniti perseverantes insisteritis, intelligamini negotium proficere, nec vobis tempus praeditum trium mensium currat. Quod si vos sic muniti usque ad huiusmodi annum non fueritis extra fines praedicti Comitatus, vel si infra eosdem tres menses tali non praediti obstaculo non fueritis in Terris ejusdem Siciliae Regno conterminis cum comitiva huiusmodi constituti, vel in quocumque casu ad prosecutionem negotii opportunam non impendentibus operam in eisdem Terris conterminis dicto Regno infra ipsos tres menses non fueritis sic muniti, liberum erit Romano Pontifici, ac in potestate remanebit ipsius dicere, pronuntiare, vel proferre, in scriptis, vel sine scriptis, de consilio, vel sine consilio fratrum, vobis, aut alio etiam quocumque, cuius forsitan interesset non vocatis, & absque omni juris solemnitate, collationem, concessionem, investituram vobis, & haeredibus vestris de Regno, & Terra praedictis factas, vacuas omnino esse, nullumque robur, vel valorem habere. ac eas revocare, cassare, irritare, ac ipsas cassas, & irritas nunciare.

Terminus Italiam intraudi assignatur.

25. Liberum quoque erit eidem Romano Pontifici hoc idem facere, si (quod absit) vel longa praepedita valetudine, vel morte praevigendum negotium juxta eandem formam, non assumpseritis, vel assumptum non fueritis profecti, nisi forte talis persona, & tam idonea juxta formam eandem vices vestras, vel vestrum haeredum in hac parte suppleverit, quae merito ad hoc sufficere, & possit, & debeat a Romana Ecclesia reputari. Quod si forte vos aliquo impedimento fueritis irretiti, & hoc significaveritis Romano Pontifici in potestate ipsius remanebit dicere, pronuntiare, & approbare, & proferre juxta formam in Capitulo ipso contentam collationem, concessionem, & investituram huiusmodi vobis, & haeredibus vestris factas de Regno, & Terra praedictis vacuas omnino esse, nullumque valorem, & robur habere, ac eas revocare, & cassare, & irritare, & ipsas cassas, & irritas nunciare, vel talem personam, & totam idoneam assumere, vel admittere ad dictum negotium, quae merito ab ipso sufficiens reputetur. Deinde omnes praemissas conditiones, quae in persona vestra apponuntur circa vestros etiam in dicto Regno haeredes, & successores intelligimus, & volumus esse dictas salvis omnibus, quae circa alios haeredes ordinata consistunt, prout superius est expressum.

Re conditiones Caroli haeredes obligant.

26. Vos etiam dabitur privilegium vestrum Domino Papae, ac Romanae Ecclesiae, ac Bolla aurea bullatum, in quo proprio juramento fatebimini, & cognoscetis expresse Regnum Siciliae, & totam Terram, quae est citra Pharum usque ad confinia Terrarum Romanae Ecclesiae excepta Civitate Beneventana cum Territorio, & pertinentiis ejus, quae Ecclesiae remanebit eidem, ex sola gratia, & mera liberalitate Sedis Apostolicae vobis, vestrisque haeredibus de novo fore concessa, vos, quae recepisse, ac tenere Regnum, & Terram huiusmodi a dicta Romana Ecclesia sub pactis, & conditionibus praedictis.

Protestatio a Carolo facienda; se Siciliae Regnum ex iura Sedis Apostolicae gratia obtinere.

Ut autem praedicti negotii consummatio, & haec nostra collatio, concessio, & investitura, ac revocatio, ac alia praemissa illibata perpetuo maneat, & inconcussa semper obtineant firmitatem praesens instrumentum, seu praesentes litteras sigillorum nostrorum munimine roboratas vobis duximus concedendas. Actum Romae apud Lateranum in Basilica Sancti Salvatoris, quae appellatur Constantiniana, ante Sacratissimum Altare ipsius Basilicae decimo quinto Kalendas Julii Anno Domini 1265. Pontificatus vero praedicti Clementis Papae Quarti Anno primo.

Nulli ergo omnino hominum liceat hanc paginam &c.
Datum Perusii per manum Magistri Michaelis de Tholosa S. R. E. Vice-Cancellarii secundo nonas Novembris indictione nona incarnationis Dominica Anno millesimo, ducentesimo, sexagesimo quinto Pontificatus vero Domini Clementis Papae Quarti anno primo.

Clausula.

Dat. die 4. Nov. 1265. Pont. An. I.

XII.

Quod prope Ecclesias Fratrum Minorum Conventualium Ordinis Sancti Francisci, non possit novum Monasterium constitui, vel acquiri, ab Ordinibus in paupertate fundatis, vel quibuscumque Ordinibus Monialibus, infra spatium trecentum cannarum.

Clemens Episcopus Servus Servorum Dei. Dilectis filiis Generali, & Provincialibus Ministris, ac universis Fratribus Ordinis Fratrum Minorum, salutem, & Apostolicam Benedictionem.

Ad consequendam gloriam caelestis patriae, sic divina pietas humilitatem vestram per suam gratiam cernitur allexisse, quod semper ad hoc intenti estis, & vigiles, ut illam vobis, & proximis per innocentis vitae studium acquiratis. Haec enim, & alia sancta pauperum Religionis vestrae merita nos inducunt, quod sumus ex intimo cordis affectu solliciti, ut in omnibus, quae ad Dei laudem, & tranquillum statum devotionis vestrae cupitis, habeamus providentiae studium efficacius.

Exordium.

§.1. Sane, non sine quadam turbatione animi frequenter audivimus, quod inter vos, & Religiosos aliquos, illa de causa, emulationis, & dissensionis materia oriretur, quia ipsi domos, & Ecclesias Regulares juxta loca vestra non sine vestro gravi praedictis, & dispendio manifesto, quandoque construere praesumebant. Cum itaque ad Apostolicum spectet officii dignitatem, de regno militantis Ecclesiae cujuslibet scandalum materiam abolere, nos digne volentes, quod huiusmodi emulationis, & dissensionis occasio per diligentiae vestrae studium amputetur, auctoritate praesentium ordinamus, & districte inhibemus, quod nulli liceat amodo de Praedicatorum Penitentiae Jesu Christi, B. Mariae de Monte Carmelo, Eremitarum S. Augustini, Sanctae Clarae, aliisque Ordinibus in paupertate fundatis, nulli- que mulierum de praedictis, seu quibuscumque aliis Ordinibus, aliquod Monasterium, Ecclesiam,

Causa faciendi Decretum.

Decretum.

siam, vel Oratorium edificare, seu construere, nulli quoque seculari, vel religioso quiscumque professionis, Ecclesiam, vel Monasterium, seu Oratorium jam edificatum in aliquem transferre de Ordinibus memoratis infra spatium trecentum cannarum a vestris Ecclesiis mensurandarum per aerem, etiam ubi alias recte mensurari loci dispositio non permittit. Praeterea statuimus, ut quicquid contra huiusmodi ordinationis, & inhibitionis nostrae tenorem ex tunc in antea edificatum fuerit, diruatur.

Qui Ordines in paupertate fundati intelligantur.

§.2. Et ne de notitia Ordinum, & quantitate cannarum huiusmodi aliqua possit dubitatio exoriri, illos Ordines intelligi volumus in paupertate fundatos, qui ex Regula, vel Constitutionibus suis, extra septem Ecclesiarum Monasteriorum suorum, vel officinarum eorum, & claustram ipsarum, nullas debent possessiones habere: quod si aliquis de Ordinibus ipsis possessiones in aliquibus membris suis habere, in aliis vero non habere noscatur, cum quoad ordinationem, inhibitionem, & statutum huiusmodi, praedictis Ordinibus in paupertate fundatis annumerari volumus.

§.3. Et quamlibet cannarum ipsarum octo, palmorum longitudinem continere.

§.4. Non obstantibus varia locorum consuetudine, sive privilegiis, indulgentiis, seu litteris quibuscumque tam praedictis, quam mulieribus, vel eorum alicui, ab Apostolica Sede sub quacumque forma concessis, seu etiam concedendis, quae de praesentibus specialem, & expressam non fecerint mentionem.

Nulli ergo omnino hominum liceat hanc paginam &c.
Datum Perusii duodecimo Kalendas Decembris, Pontificatus Nostri Anno Primo.

Obstantium derogatio.

Dat. die 10. Nov. 1265. Pont. An. I.

XIII.

Destinatio Legatorum, qui Carolum Andegavensem, ejusque uxorem in Urbe Siciliae Reges coronent, & inungant homagium nomine Romanae Ecclesiae ab eisdem recepturi.

Clemens Episcopus Servus Servorum Dei. Venerabili Fratri Rodolpho Episcopo Albanen. & dilectis filiis Adriano tituli Sanctae Praxedis Presbytero, Riccardo Sancti Angeli, Gottifredo Sancti Georgii ad Velum Aureum, & Mattheo Sanctae Mariae in Porticu Diaconis Cardinalibus, salutem, & Apostolicam Benedictionem.

REX Regum, & Dominus Dominantium Dei clementissimus filius Jesus Christus honore multiplici Reginam praefulgendam, Sanctam videlicet Ecclesiam Sponsam suam, quam sibi clementer inseparabili foedere conjungi voluit, de sua ineffabili clementia insignivit, sed in eo potissime ipsam honorabilem, & felici reddidit statu fulgentem, quod eidem tantam tribuit plenitudinem potestatis, ut personis quantacumque sublimitate conspicuis in his possit adesse magnifice, per quae ipse clari nominis titulum, & famose consequantur potentiae incrementum.

Exordium.

§.1. Sane contemplari clarissima merita, pure devotionis, & fidei, quibus inelyte recordationis Reges Franciae inter Catholicos noscuntur Mundi Principes claruisse, nobis, & eidem Ecclesiae spiritualium producit affluentiam gaudiorum, propter quod fervens in mentibus nostris confurgit affectio, ut erga charilimum in Christo filium nostrum Carolum Illustrum, Regem Siciliae, qui de illorum benedicta progenie dignoscitur processisse, sic nostra, & ipsius Ecclesiae abundet gratia penes devotos affluere multipliciter consueti, ut qui sibi Regnum Siciliae ad nos, & eandem Ecclesiam pertinens dextera liberali contulimus, personam suam illius favoris affluentia prosequamur, per quem honoris magnitudo sibi Domino annuente proveniat, & votivae materia prosperitatis accrescat. Quid enim secundum Deum in Rege devotissimo queritur, nisi Fidei firmamentum, justitiae zelus, & affluentia pietatis. Quid circa secularia laus commendat humana, atque affabilitatem benivolam, beneficentiae gratiam, & perspicacis providentiae majestatem. Haec profecto in eodem Rege comperimus, & ex his illa dilectio provenit, quam ipse apud largitorem omnium gratiarum sibi velut haeres dilectissimus vindicavit.

Caroli Regis Regnum Francorum, Encomium.

§.2. Penitentes igitur, quod extollitur honor Matris Ecclesiae tali a suis uberibus filio dependente, quodque sui status praeceminentia in maternae cedit exaltationis augmentum, eum intra praecordia nostra suscepimus ad hoc praecipua studiis intendentes, ut regalis magnificentiae culminis felicibus auspiciis exaltetur.

Regis dignitas et concessa.

§.3. Quia vero dictus Rex Siciliae a nobis filiali confidentia postulavit, ut cum ipse dictum Regnum jam annuente Deo, praevigique salutis Angelo ad hoc intrare in manu potenti, & brachio intendat extento, quod velut Athleta Christi strenuus hostes suos, & persequutores Fidei exinde potenter eijciat, ac ibidem Agrum Dominicum spurcitis Saracenorum expurgat, Ecclesias quoque, ac Personas earum libertati restituat, & eos, qui sunt exules Ecclesiae memoratae pretextu reducat ad propria, necnon Dei Populum in Regno constitutum eodem a compede servitutis, quo illum alter Pharaon diu detinuit alligatum, prorsus absolvat, sibi, & charissime in Christo filiae nostrae Illustri Reginae uxori suae Diademata imponi regia, & eodem more inungi debito faceremus, nos de vestra circumspectione, ac industria probata consili, vos velut viros sensatos, & providos virtutum multitudine redimitos, in arduis, & magnis expertos, ac honorabilia, imo praecipua membra Ecclesiae ad peragenda huiusmodi coronationis, & inunctionis solemnia duximus fiducialiter eligendos, committentes vobis super his plenarie vices nostras, ita quod tu Frater Venerabilis Episcopo Albanen. Regem, & Reginam inungas eosdem, vosque universi, vel illi vestrum, qui praesentes fuerint eidem Coronas praedicti Regni Siciliae tribuatis, eorumque vertices inclytos reddatis illarum insigniis cum solitis solemnitatibus decoratos.

Mandatum, de quo in Rubrica.

§.4. Quocirca mandamus, quatenus in Urbem convenientes in unum eadem solemnibus juxta huiusmodi formam vobis traditam in nomine,

mine, ac virtute Altissimi prudenter, honorifice, ac etiam diligenter, prout decet, tam arduum, & solemne negotium exequi studeatis. Speramus enim in Domino, quod iidem Rex, & Regina tante gratiae magnitudinem memorie signaculis taliter alligabunt, quod in delectationem eis veniet omnium Conditori per virtuosa vite studium, & Sanctae ipsius Ecclesiae placere jugiter per sinceram devotionis augmentum.

§.5. De clementia quoque Regis Superni confidimus, quod ipse diuinam afflictionem, & lacrymas afflictorum praefati Regni ex alto prospiciens, ac intentionem puram, & bonam ipsius Regis Siciliae clementer advertens ei, qui iustam scientiam, & piam causam prosequitur, de parte opposita triumphum desiderabilem largietur. Ceterum quia ex certis pactis inter Ecclesiam, & Regem eisdem haberi dignoscitur, quod dictus Rex nobis, & eidem Ecclesiae homagium ligium pro Regno ipso, & Terris aliis sibi ab Ecclesia praefata concessis exhibere tenetur. Volumus, quod huiusmodi homagium pro nobis, ac dicta Ecclesia recipere nullatenus omittatis. Per praemissa siquidem Coronationis, & Inunctionis solemnia Panormitan. seu aliquibus aliis Ecclesiis, vel quibuscumque personis, aut locis, ex eo quod eisdem solemnibus non intersunt, vel quod illa in Sede ipsa non fiunt, aut alias nullum volumus in posterum praedictum generari.

Datum Perusii quarto Kalendas Januarii, Pontificatus nostri anno primo.

Dat. die 29. Dec. 1265. Pont. An. I.

XIV.

Idem. Sequitur Carolo Siciliae Regi in idem Argumentum.

Clemens Episcopus Servus Servorum Dei. Charissimo in Christo filio Carolo Regi Siciliae Illustri, salutem, & Apostolicam Benedictionem.

Ordorem agri pleni, cui benedixit Dominus, in te benedictionis filio sentire gaudemus, Aromata considerando virtutum, & strenuitatem attendendo gestorum laudabilium, quibus tua Excellentia per divinam redidit gratiam insignita. Nam quod secundum Deum in Rege Catholico quaeritur Fidei firmamentum, iustitiae zelus, & affluentia pietatis, quid in ipso circa secularia laus humana commendat, affabilitatem nempe benivolam, beneficentiae gratiam, & circumspectae industriae maiestatem; haec in te profecto comperimus, & ex his circa Personam tuam in nobis exuberat illa dilectio, quam apud Regem Coelorum tibi velut haeres dominicus vendicasti. Pensantes igitur, quod extollitur honor Matris Ecclesiae tali a suis uberibus filio dependente, quodque tui status praeminentia in matris cedit exaltationis augmentum, te intra praecordia nostra suscepimus ad hoc praecipuis studiis intendentes, ut regalis magnificentia culminis felicibus auspiciis exaltetur. Et ut tibi clarius pateat affectus Apostolici plenitudo, petitionem

Exordium.

tuam, quam nobis fecisti porrigi fiducia filiali, videlicet, quod te, & charissimam in Christo filiam nostram Reginam Illustram Uxorem tuam coronari, & more inungi regio faceremus.

Nos paternis affectibus admittentes, Venerabilem Fratrem nostrum Rodolphum Albanensem Episcopum, & dilectos filios nostros Adrianum tituli Sanctae Praxedis Presbyterum Riccardum Sancti Angeli, Gottifredum Sancti Georgii ad Velum Aureum, & Matthaeum Sanctae Mariae in Porticu Diaconos Cardinales, Viros utique probatae circumspectionis, & vitae, ac industriae praecellentes, Viros virtutum multitudine insignitos, expertos in arduis, tuique honoris, & nominis amatores, honorabilia quoque membra ipsius Ecclesiae, ad huiusmodi coronationis, & inunctionis solemnia peragenda in Urbem, in qua moraris, duximus destinandos, eis super his committentes per Apostolicas litteras plenarie vices nostras.

Speramus enim in Domino, quod tu, & praedicta Regina de manu tam praecellentium, tam Venerabilium Personarum, quas hilariter recipi, & tractari, immo in quibus Personam nostram honorari deposcimus, receptis Domino annuente feliciter fastigii regalis insignis, magnitudinem huiusmodi gratiae tabulis vestrae memoriae taliter imprimeris, quod semper in delectationem vobis veniet superno Regi per virtuosa vite studium, & Ecclesiae Matri vestrae placere jugiter per sinceram devotionis augmentum.

Ad haec quia ex certis pactis inter Ecclesiam ipsam, & te charissime fili haberi dignoscitur, quod tu pro Regno Siciliae, ac Terris aliis tibi ab Ecclesia ipsa concessis homagium facere ligium nobis, & Ecclesiae praefatae teneris, Nos attendentes, quod his diebus tibi ad nostram praesentiam, & nobis ad dictam Urbem accedere grave foret, Serenitatem tuam requirimus, & rogamus tibi per Apostolica scripta mandantes, quatenus Cardinalibus ipsis, quibus hoc a te recipiendum commisimus, affectu prompto, & libero pro nobis, & dicta Ecclesia homagium facias memoratum, te in his, & aliis, quae honorem Ecclesiae praefatae respiciunt, prout de tua sinceritate confidimus, taliter habiturus, quod exinde tibi laudis humanae praconium, & benedictionis divinae proveniat incrementum.

Datum Perusii tertio Kalendas Januarii, Pontificatus nostri anno primo.

Legatos autem designatos ad eum coronandum, & inungendum.

Quibus mandat ab eo homagium ligium praestari.

Dat. die 30. Dec. 1265. Pont. An. I.

Quod

XV.

Quod Inquisitores hereticae pravitatis, deservi faciant in Statutis Civitatum, leges editas ab Innocentio IV. contra hereticos, Magistratus saeculares ad id cogendo.

Clemens Episcopus Servus Servorum Dei. Dilectis filiis Fratris Praedicatorum, & Minorum Ordinum, Inquisitoribus hereticae pravitatis, per Italiam auctoritate Sedis Apostolicae deputatis, & in posterum deputandis, salutem, & Apostolicam Benedictionem.

Exordium.

Ad extirpanda de medio Populi Christiani hereticae pravitatis zizania, quae abundantius solito succreverunt, superseminante illa licentia his diebus homine inimico, tanto studiosius juxta commissam nobis sollicitudinem insudare proponimus, quanto perniciosius negligere eadem in necem catholici feminis pervagari.

§.1. Ut autem adversus huiusmodi nequitiae operarios, consurgant, stentque firmiter Ecclesiae filii, ac Orthodoxae Fidei zelatores, Constitutiones quasdam felicis recordationis Innocentius Papa Praedecessor noster ad extirpationem hereticae pestis edidit, & tam ipsae, quam felicis memoriae Alexander Papa Praedecessor noster, dilectis filiis Potestatibus, sive Rectoribus, Consulibus, Capitaneis, Antianis, Consiliis, & Communitatibus Civitatum, Castrorum, aliorumque locorum per Italiam constitutis, mandarunt, ut Constitutiones ipsas, in suis conscribi Capitularibus facerent, & exacta diligentia observarent. Unde praedictis Potestatibus, sive Rectoribus, Consulibus, Capitaneis, Antianis, Consiliis, & Communitatibus, damus nostris litteris in mandatis, ut ipsi, & singuli eorum, Constitutiones easdem, cum quibusdam adjectionibus, modificationibus, & declarationibus per dictum Alexandrum Praedecessorem nostrum, & etiam per nos factas, conscribi in suis Capitularibus facientes, nullis inde temporibus abolendas, secundum eas contra omnem heresim se adversus hanc Sanctam Ecclesiam extollentem, sine aliqua omissione procedant.

§.2. Quocirca si dicti Potestates, sive Rectores, Consules, Capitanei, Antiani, Consilia, & Communitates, mandatum nostrum super hoc neglexerint adimplere, vos, & singuli vestrum illos, & singulos eorum, infra designatos vobis limites, per excommunicationem in personas, & interdictum in terras eorum, monitione praemissa, appellatione remota cogatis.

§.3. Non obstante si aliquibus a Sede Apostolica sit indultum, vel in posterum indulgeri contingat, quod personae excommunicari, ac Civitates, Castra, Terrae, & loca ipsorum interdicti non possint, sive qualibet alia indulgentia Sedis ejusdem, per quam effectus praesentium impediri valeat, vel differri: & de qua, cujusque toto tenore, de verbo ad verbum specialem, & expressam in nostris litteris oporteat fieri mentionem: & Constitutione de duabus dietis edita in Concilio generali.

Datum Perusii decimoquinto Kal. Februarii, Pontificatus nostri anno primo.

Decretum, de quo in Rubrica.

Magistratus ad id censuris cogendi.

Obstantium derogatio.

Dat. die Jan. 1266. Pont. An. I.

Bull. Rom. Tom. III.

XVI.

Revocatio omnium Indulgentiarum, & Privilegiorum, quibuscumque singularibus Personis Ecclesiasticis, vel Saecularibus, quibus eis concedebatur quod interdicti, vel excommunicari non possent, nec Terrae eorum Ecclesiastico Interdicto supponi.

Clemens Episcopus Servus Servorum Dei. Ad perpetuam rei memoriam.

Sedes Apostolica interdum, quae benigne concesserat utilitate suadente, consultius revocat: per hoc non tam in suis actibus varia, quam providentiae suae remedia Subditorum varietati, & necessitati coaptans. Probat hoc praesentis necessitas Sanctionis, quae illorum, compescit audaciam, qui ad sui juris defensionem contra injuriosos immunitate per ipsius Sedis indulta muniti, quod ad tuitionem eis concessum fuerat in aliorum molestias, & injurias convertentes, suis indulgentiis, ac privilegiis multipliciter abutuntur. Sicut enim ad nos frequenti querela pervenit pro eo, quod Sedes eadem personis diversis tam Ecclesiasticis Religiosis, & aliis, quam etiam Laicis quibusdam, sine praesentione temporis, aliis vero ad tempus sub formis variis indulgentiis dicitur, quod interdicti a quoquam, vel excommunicari non possint, nec Terrae ipsorum Ecclesiastico interdicto supponi: Personae ipse de Indultis huiusmodi confidentes alios sidentius in suo jure molestent, & asserentes, quod nec locorum Ordinarii possunt in ipsos excommunicationis, vel interdicti ferre sententiam, etiam ipsorum Ordinariorum Jurisdictionem contemnunt pariter, & eludunt, sicque Personarum ipsarum excessus remanent incorrecti, & nervus disrumpitur Ecclesiastica disciplina.

§.1. Nos itaque intendentes in hoc salubre remedium adhibere, omnes indulgentias, & privilegia huiusmodi quibuscumque singularibus Personis Ecclesiasticis, vel Saecularibus, quibuscumque sint praeminentiae, dignitatis, conditionis, aut status sub quacumque verborum forma concessa illis, per quae Regibus, & Reginis, eorumve filiis, nec non & Religiosis quibusdam non Personarum tantum, sed Ordinum, vel Locorum privilegiatorum in hoc ratione huiusmodi Immunitas conceditur dumtaxat exceptis, de fratrum nostrorum consilio ad Ordinariorum sententias, & processus, Edicto perpetuo prohibemus extendi, & si forsitan quoad Sententias, & processus huiusmodi aliqua concessa inveniuntur expresse ad instar felicis recordationis Alexandri Papae Praedecessoris Nostri ea in quantum per ipsa Ordinariorum Judicum iurisdictione tangitur, penitus revocamus, nihilominus locorum Dioecesanis, & quibuscumque aliis Ordinariis Judicibus, ut in suos Subditos, prout ad eos pertinet, indulgentiis, & privilegiis ipsius nequaquam obstantibus, Jurisdictionem suam, & Censuram Ecclesiasticam exercere libere valeant, concedentes.

§.2. Nulli ergo omnino hominum liceat hanc paginam nostrae prohibitionis, revocationis, & concessionis infringere &c. Si quis &c. Datum Viterbii Idibus Augusti, Pontificatus Nostri Anno Secundo.

Ex Regest. Vatican.

Causae revocandorum Privilegiorum, de quibus in Rubrica.

Decretum.

Clausula.

Dat. die 11. Aug. 1266. Pont. An. II.

L 11

Quod

